

宋
名
家
詞

審齋詞

目錄

賀新郎

一調

沁園春

一調

風流子

一調

醉蓬萊

一調

西江月

一調

南歌子

一調

虞美人

一調

念奴嬌

一調

青玉案

一調

水調歌頭

一調

減字木蘭花

一調

風流子

一調

憶秦娥 二調

清平樂 一調

賀新郎 一調

好事近 二調

虞美人 一調

水調歌頭 一調

菩薩蠻 一調

驀山溪 一調

漁家傲 一調

念奴嬌 一調

生查子 一調

解佩令 一調

清平樂 一調

憶秦娥 一調

西江月 一調

臨江仙 一調

浣溪沙

一調

瑞鶴仙

二調

滿江紅

一調

感皇恩

一調

青玉案

一調

醉落魄

一調

桃源憶故人

一調

水調歌頭

一調

鷓鴣天

二調

浣溪沙

二調

好事近

一調

喜遷鶯

二調

滿庭芳

一調

訴衷情

一調

臨江仙

一調

浣溪沙

一調

西江月

一調

醉落魄

一調

虞美人

二調

謁金門

二調

點絳脣

一調

水調歌頭

一調

瑞鶴仙

一調

滿江紅

一調

西江月

一調

審齋詞目

終

審齋詞

宋 王千秋

賀新郎

石城
弔古

弔古城頭去正高秋霜晴木落路通洲渚欲問
紫髯分鼎事只有荒祠煙樹巫覡去久無簫鼓
霸業荒涼遺堞墜但蒼崖日閱征帆渡興與廢
幾今古 夕陽細草空凝竚試追思當時子敬
用心良誤要約劉郎銅雀醉底事遽爭荆楚遂

審齋詞

汲古閣

但見吳蜀烽舉致使五官伸脚睡喚諸兒晝取
長陵土遺此恨欲誰語

沁園春

晁共道侍
郎生日

豈蕊嬌春烟花羞暖物華漸嘉也不須鶯怨桃
封絳萼也不須蜂恨蘭鬱金芽料是東君都將
和氣分付清豐詩禮家充間慶有青氈事業丹
鳳才華 乘槎早上雲霞侍祠甘泉瞻羽車試
笑憑熊軾嘉禾合穗進思魚鑰苗苗駢花蕭寇

勲名龔黃模樣入拜行趨堤上沙今宵裏且舫
船滿棹醉帽欹斜

風流子

夜久燭花暗仙翁醉豐頰縷紅霞正三行鈿袖
一聲金縷捲茵停舞側火分茶笑盈盈濺湯溫
翠盃折印啓縑紗玉笋緩搖雲頭初起竹龍停
戰雨脚微斜清風生兩腋塵埃盡畱白雲長
黃芽解使芝眉長秀潘鬢休華想竹宮異日袞

衣寒夜小團分賜新樣金花還記玉麟春色曾
在仙家

醉蓬萊

送湯

正歌塵驚夜鬪乳回甘暫醒還醉再煮銀瓶試
長松風味玉手磨香鏤檀舞在壽星光裏翠袖
微揎冰甕對捧神仙標致 記得拈時吉祥曾
許一飲須教百年千歲况有陰功在遍江東桃
李紫府春長鳳池天近看提攜雲耳積善堂前

年年笑語玉簪珠履

西江月

心事幾多白髮客情無數青山廉纖細雨褪餘
寒正是花期酒限一自銜簪信杳空畱細帶
香殘我今多病寄江干瘦似東陽也慣

又

老去頻驚節物亂來依舊江山清明雨過杏花
寒紅紫芳菲何限春病無人消遣芳心有酒

審齋詞

三

汲古閣

摧殘此情拍手問闌干爲甚多愁我慣

南歌子

壽廣文

鵲起驚紅雨潮生漲碧瀾水晶城館月方圓誰
喚騎鯨仙伯下三山筆勢翔鸞媚詞鋒射斗
寒向來文價重賢關便今批風支月紫薇間

虞美人

寄李公定

流蘇斗帳泥金額我亦花前客謫仙標韻勝瓊
枝一詠一觴常是得追隨自從風借雲帆便

冷落青樓宴石橋風月也應猜過盡中秋不見
晚歸來

念奴嬌

荷葉浦
雪中作

扁舟東下正歲華將晚江湖清絕萬點寒鴉高
下舞疑住一天雲葉映篠漁村衡茅酒舍淅瀝
鳴飛雪壯懷與感悔將釵鳳輕別遙望傑閣
層樓明眸穠艷許把同心結束畎西傾渾未定
終恐前盟虛設藝獸爐溫分霞酒滿此夕歡應

審齋詞

四

汲古閣

狎多情言語又還知共誰說

青玉案

黃岡令

雪堂不遠臨臯路
悵仙伯騎鯨去
燕麥桃花更幾度
橫橋雖在種松無
有誰是關心處
解鞍君到冬雖暮
傳語無忘曬箠句
起手栽花花定許
藝香披翠灌紅疏
綠趁取清明雨

水調歌頭

遲日江山好
老去倦遨遊
好天良夜自恨無地

可銷憂豈意綺窓朱戶深鎖雙雙玉樹桃扇避
風流未暇泛滄海直欲老溫柔解檀槽敲玉
釧泛清謳画樓十二梁塵驚墜綵雲留座上騎
鯨仙友笑我胸中磊砢取酒爲澆愁一舉千觴
盡來日判扶頭

減字木蘭花

陰簷雪在小雨廉纖寒又暎莫上危樓樓迥空
低鴈更愁一杯濁酒萬事世間無不有待早

歸田欲買田無使鬼錢

風流子

同雲垂六幕啼鳥靜風御玉妃寒漸聲入釣簑
色侵書幌似花如絮結陣成團倦遊客一番詩
思苦無算酒腸寬黃竹調悲綺衾人馬豈堪梅
藥索笑巡簷一杯知誰勸空搔首還是憶舊
青瓊問素娥早晚光射江干待醉披鶴氅高吟
冰柱剡溪何妨乘興空還只恐櫓聲咿軋棲鳥

難安

憶秦娥

雲破碧作霜天氣西風急西風急一行征鴈數
聲橫笛挑燈試問今何夕柔腸底事愁如織
愁如織紫苔庭院悄無人跡

又

雲葉舞寒林淺淡圍煙雨
雨三三兩兩鴈投沙渚
征帆暫落知何所短篷靜聽舟人語

舟人語夜寒如許客能眠否

清平樂

吹花何處桃葉江頭路碧錦障塗衝暮雨一霎
峭寒如許歸來索酒澆春潮紅秋水增明却
自不禁春惱悞人低度歌聲

賀新郎

短艇橫烟渚夢驚回淒涼尚記綠簑鳴雨拍塞
愁懷人不解只有黃鸝能語復擬待乘槎重去

無柰東君剛畱客張碧油緩按香紅舞生怕我
頓遐舉故溪冉冉春光度想晚來楊花雲際
白蘋無數竹裏樵青應是怪目斷鳴榔去路料
爲我羞煩鱗羽好趁小蠻針線在按綸巾歸喚
松江渡重繫纜醉眠處

好事近

和李清宇

六幕凍雲凝誰翦玉花爲雪寒入竹窓茅舍聽
琴絃聲絕從他拂面去尋梅香吐是時節歸

晚楚天不夜抹牆腰橫月

又

明日發驪駒共起爲傳杯綠十歲女兒嬌小倚
琵琶翻曲絕憐啄木欲飛時絃響顫鳴玉雖
是未知離恨亦晴峰微感

虞美人

琵琶絃畔春風面曾向尊前見彩雲初散燕空
樓蕭寺相逢各認兩眉愁舊時曲譜曾翻否

好在曹綱手老來心緒怯么絃出塞移船莫遣
到愁邊

水調歌頭

九日

壯日遇重九躍馬歡遊如今何事多感雙鬢不
禁秋目斷五陵臺路無復臨高千騎鼓吹簇輕
裘霜露下南國淮漢繞神州 釣松鱸斟郢酒
聽吳謳壯心鑠盡今夕重見紫茱羞月落笳鳴
沙磧烽靜人耕榆塞此志恐悠悠擬欲墮清淚

生怕菊花愁

菩薩蠻

茶蘼

流鶯不許青春住，催得春歸花亦去。何物慰儂懷，茶蘼最後開。青衫冰雪面，細雨斜橋見。莫浪送香來，等閑蜂蝶猜。

驀山溪

海棠

清明池館側，臥簾初卷。還是海棠開，睡未足餘醒。滿面低頭不語，渾似怨東風。心始吐，又驚飛。

交現垂楊眼 少陵情淺花草題評徧賦得惡
因緣沒一字聊通繾綣黃昏時候凝竚怯春寒
籠翠袖減豐肌脉脉情何限

漁家傲

簡張
德共

黃栗留鳴春已暮西園無著清陰處昨日驟寒
風又雨花良苦信緣吹落誰家去 病起日長
無意緒等閑還與春相負魏紫姚黃無恙否栽
培取開時我欲聽金縷

念奴嬌

水仙

開花借水信天姿高勝都無俗格玉隴娟娟黃

點小

道書玉女鼻
端有黃點

依約西湖清魄綠帶垂腰碧

簪簪髻索句撩元白西清微咲爲渠模寫香色

常記月底風前水沈肌骨瘦不禁憐惜生怕

因循紛委地仙去難尋蹤跡縹檻深栽彤幃密
護不肯輕拋釋等差休問未容梅品懸格

生查子

枝垂雲碧長心展鵝黃嫩無力倚闌時掃盡漫
山杏 玲瓏影結陰蘊藉香成陣誰爲祝東風
更莫催花信

又

花飛錦繡香茗碾槍旗嫩是處綠連雲又摘斑
斑杏 愁來苦酒腸老去閑花陣燕子不知人
尚說行雲信

又

鶯聲恰恰嬌草色纖纖嫩詩鬢已驚霜鏡葉慵
拈杏 因何積恨山著底攻愁陣春事到茶蘼
還是無音信

又

睡起髻雲鬆枕印香腮嫩愁思到眉尖齒軟嘗
新杏 都無魚雁書又過鶯花陣寬盡縷金衣
說與伊爭信

又

春江波面渾春岍蘆芽嫩不見木蘭舟羞帶駢
枝杏 輕綃搵淚痕急雨衝花陣暗禱紫姑神
覓箇巴陵信

又

雄姿画麒麟朽骨分螻蟻爭似及生前常爲鶯
花醉 雲山靜有情天地寬無際且放兩眉開
萬事非人意

又

齊齋詞

十一

汲古閣

功名竹上魚富貴槐根蟻三萬六千場排日扶
頭醉 高懷隘世間壯氣橫天際常是惜春殘
不會東君意

解佩令

木犀

花兒不大葉兒不美只一段風流標致淡淡梳
粧已賽過騷人蘭芷古龍涎怎敢氣口開時無奈
風斜雨細壞得來零零碎碎著意收拾安頓在
膽瓶兒裏且圖教平夢魂旖旎

清平樂

喚雲且住莫作龍池舞五月人間須好雨爲掃
無邊煩暑 畦秧針綠重生壺天表裏俱清林
外桔槔閑掛省渠多少心情

憶秦娥

闌干側當時我亦凝香客凝香客而今老大鬢
蒼頭白 揚州夢覺渾無迹舊遊英俊今南北
今南北斷鴻沈鯉更無消息

西江月

夢幻影泡有限風花雪月無涯莫分粗俗與精
華日醉石間松下菜盡隣家解與杯空稚子
能賒通幽卽步儘橫斜不問墩猶姓謝

臨江仙

者也之乎真太錯甘心吞棘吞蓬有無俱盡見
真空爐錐難自薦關捩只心通野鶴孤雲元
自在剛論隱豹冥鴻此身今在幻人官要將驢

佛我分付馬牛風

浣溪沙

帶玉偎香倚翠屏當年常喚在凝春豈知雲雨
散逡巡 不止恨伊唯準擬也先傷我太因循
而今頭過揔休論

又

親染柔毛劈彩牋自憐探平聲得惡因緣一尊重
許笑凭肩 往事已同花屢褪新歡聞似月常

圓休休休更苦縈牽

瑞鶴仙

征鴻翻塞影悵悲秋人老渾無佳興鳴蛩問酒
病叟堆積愁腸摧殘詩髩起尋芳徑菊羞人依
叢半隱又豈知虛度重陽浪闊渺無歸恨無
定登高人遠戲馬臺前閑怨歌誰聽香肩醉凭
鎮常是笑得醒到如今何在西風凝竚冠也無
人爲正看他門對插茱萸恨長怨永

又韓南潤
生日

紅消梅雨潤正榴花照眼荷香成陣爐薰炷芳
燼記于門今日長庚占慶文摛艷錦笑班楊用
字未穩果青雲快上黃扉地口譽高英俊名
盛都期持橐却借乘輅口布宣寬政除書已進
歸寵異侍嚴近且金船滿酌雲翹低祝口比椿
齡更永任月斜未放笙歌翠桐轉影

滿江紅

和諸公賞
心亭待月

樓壓層城斜陽斂帆收南浦最好是長江澄練
遠山新雨口口畱連邀皓月一堂高敞祛隆暑
問從來佳賞有誰同應難數 舟橫渡車闌路
催酒進麾燈去放姮娥照座不須簾阻已見天
清無屏翳更須潮上喧闐技看波光撩亂上檣
竿龍蛇舞

感皇恩

天氣過燒燈初閑人倦曉色瞳矓繡簾捲聚星

歌扇一簇雪香瓊軟壽杯爭安把從他減低
低笑祝年齡遐遠息駕無由遂公願東風吹喜
又做眉黃一點便參鵷鷺入常朝殿

青玉案

鳴鼉欲引魚龍戲先自作長江偃頭管一聲天
外起群仙俱上有人殊麗認得分明是欲相
問勞來無計但隔爐煙屢凝睇擲我胸前方寸
紙擁翹欲去顰蛾還住不盡徘徊意

醉落魄

驚鷗撲菼蕭蕭臥聽鳴幽屋窓明怪得雞啼速
牆角爛平聲斑一半露松綠歌樓管竹誰翻曲
丹唇冰面噴餘馥遺珠滿地無人掬歸著紅靴
踏碎一街玉

桃源憶故人

移燈背月穿金縷合色鞋兒初做却被阿誰將
去鸚鵡能言語朝來半作凌波步可惜孤鸞

侶若念玉纖辛苦早與成雙取

水調歌頭

趙可大
生日

披錦泛江客橫槩賦詩人氣吞宇宙當擁千騎
靜胡塵何事折腰執版久在泛蓮幕府深覺負
平生踉蹌衆人底欲語復吞聲 慶垂弧期賜
杖酒深傾願君大耐碧眸丹頰百千齡用卽經
綸天下不用歸謀三徑一笑友淵明出處兩俱
得鴟鷂亦鷗鷗

鷓鴣天

詞

翠杓銀鍋饗夜遊
萬燈初上月當樓
溶溶琥珀流匙滑
璨璨蠟珠著面浮
香入手煖生甌
依然京國舊風流
翠娥且放杯行緩
甘味雖濃欲少畱

又

蒸蟹

比屋燒燈作好春
先須歌舞賽蠶神
便將簇上如霜樣
來餉尊前似玉人
絲餽細粉肌勻從

宅犀筋破花紋慙又作梅羹送酒力消除笑
語新

浣溪沙

焦油

買市宣和預賞時流蘇垂蓋寶燈圍小鐺烹玉
鼓聲隨金彈玲瓏今夕是鼇山縹緲昔遊非
馬行遺老想霓衣

又

斗件

燈火闌珊欲曉時夜遊人倦總思歸更須冰蛹

替接絲 玉篆古文光燦爛花垂零露影參差
月寒煙淡最相宜

好事近

壽黃仲符

人物又無雙餘事錦機閑織就兩都新賦笑一
生聯緝 來年秋色起鵬程一舉上晴碧須洗
玉荷爲壽助穿楊飛的

喜遷鶯

春前臘尾問誰會開解幽人心裏映竹精神凌

風標致姑射昔聞今是試粧競看吹面寄驛勝
傳緘紙迴瀟洒更香來林表枝橫溪底誰爲
停征騎評蕙品蘭俱恐非同里天意深憐花神
偏巧持爲翦冰裁水擬喚綠衣來舞只許蒼官
相倚醉眠穩儘參橫月落畱連行李

事見柳子厚龍城錄

又

玉龍垂尾望闕角岩巖如侵雲裏明璧榭題白
銀階陞平日世間無是靜久聲鳴檻竹夜半色

侵窓紙最奇處盡巧粧枝上低飛簷底當爲
呼游騎嗾犬擎蒼腰箭隨鄰里藉草烹鮮枯枝
煎茗點化玉花爲水未挹瑤臺風露且借璫林
棲倚眩銀海待斜披鶴氅騎鯨尋李

滿庭芳

梅 二色

藥小雕瓊花明鎔蠟天交一旦俱芳豐臞雖異
皆熨水沈香應笑紛紅墮紫初未識調粉塗黃
凭肩處金鈿玉珥不數壽陽粧 思量誰比似

酥裁笋指蜜翦蜂房又何須酣酒重暖瑤觴且
放側堆金縷驪山冷來浴溫湯誰題品青枝綠
萼俱未許升堂

訴衷情

登雨
華臺

二分濃綠一分紅春事若爲窮醉袖冒香霏粉
公挽我我扶公 欹短帽吐長虹擬凌風布金
堆裏疊翠屏中雲月輕籠

臨江仙

柳巷鶯啼春未曉
畫堂環珮珊珊薰爐烘煖鷓
鴒斑壽杯須斗酌舞袖正弓彎
未說珥貂橫玉事勲名且勒燕然歸來方卜五湖閑年年花
月夜沈醉綺羅間

浣溪沙

白紵衫子

疊雪裁霜越紵勻
美人親翦稱腰身
暑天寧數越羅春
兩臂輕籠燕玉膩
一胸斜露塞酥溫
不教香汗濕歌塵

西江月

鳴小鹿

四俊鄉書薦鶚一夔漕府登賢
明年春晚柳如烟看取臚傳金殿
冊府牙籤畫閣詞垣紫誥
宵傳青樓買酒定無緣且放金杯潑灑

虞美人

和姚伯和

風花南北知何據常是將春負
海棠開盡野棠開疋馬崎嶇還入亂山來
尊前人物勝前度誰記桃花句
老來情事不禁濃玉佩行雲切莫

易丁東

又

代簡督伯和
借戰國策

要津去去無由據已分平生負擬將懷抱向誰
開萬水千山聊爲借書來 玄都晝永閑難度
欲正書中句黃琮丹壁已磨濃發篋煩君早送
過橋東

謁金門

次李聖子
月中韻

春漠漠閑盡綺窓雲
悞悔不車輪生四角却成

緣分薄 想画鴉兒方學小感恨人無託不道
月明誰共酌這般情味惡

又

諸公要
子出郊

春漠漠何處養花張幙佩冷香殘天一角忍看
羅袖薄 兩兩鴛鴦難學六六錦鱗空託趣有
餘妍須細酌東風情性惡

點絳脣

劉公寶
生日

玉立霞升縱談劉尹高支許待爲霖雨小駐紅

蓮府 鶴健松堅鴻寶初非誤玄都路桃花栽
取來看千千度

又

春日

何處春來試煩君向垂楊看萬條輕線已借鵝
黃染 弄日搖風按舞知誰見陽關遠一杯休
勸且放脩眉展

又

何處春來試煩君向梅梢看壽陽粧面漏泄春

何限 冷蘂疎枝似恨春猶淺收羌管莫驚香
散畱副口和願

又

何處春來試煩君向釵頭看舞翻飛燕已拂春
風面 白玉圓鈿酌酒殷勤深深願願長口
健歲與春相見

又

何處春來試煩君向盤中看韭黃猶短玉指呵

寒翦 犀筋調勻更爲雙雙卷情何限怕寒須
暖先酌黃金盞

水調歌頭

席上呈
梁次張

筆力捲鯨海人物冠麟臺嚮來朱邸千字不省
有驚雷人似曲江風韻剛要重來持節不道玉
堂開草詔坐扛鼎瑣屑掃尊鼎 金錯落貂掩
映玉崔嵬看公談笑長河千里靜氛埃散馬晝
閑榆塞辮髮春趨瑤陛都出濟川才老子尚頑

健東閣亦時來

瑞鶴仙

張四益
生口

夷吾在江左罄瓊裘俱讐笑清邊瑣遺民蕪巾
裏箇規模欲繼外人誰可一花兩果晚占熊材
能更夥試頒春便有驩謠聲接月鞍烟施 馭
娑已傳丹詔催上文石論炙輶橐弓筈九域措
安妥待緇衣重詠履封光繼絲野從教畫鎖問
黑頭當日三公可能似我

滿江紅

水滿方塘三日雨，曉來方足。闌干外，錦裯初脫。
新篁森玉，沃葉未乾。鳩婦去，餘花時墜。蜂兒逐
認去年乳燕，又雙雙飛華屋。紅豆恨，歸誰促。
青鸞夢驚難續，想多情猶記碧牋新曲。白髮欺
人，雖已老，短襟搵黛存餘馥。且如今一笑，總休
論杯行速。

西江月

璀璨雕籠灑筆聯翩薦鶚飛書翻階紅藥試粧
梳管取不言溫樹容我一杯爲壽看君九萬
鵬圖髻鬟人小串珠璣歲歲綠窓朱戶

東平王千秋字錫老嘗見自製啟聯云少
日羈孤百口星分于異縣長年憂患一身
蓬轉于四方其遭逢槩可想已樂府凡六
十餘調多酬賀篇絕少綺艷之態衡山縣
令梁文恭讀而贈詩云審齋先生世稀有

曾是金陵一耆舊萬卷胸中星斗文百篇
筆下龍蛇走淵源更擅麟史長碑版肯居
鱣文後倚馬常摧麈戰場脫腕難供掃愁
帚中州文獻儒一門異縣萍蓬家百口恨
極黃楊厄閏年閑却玉堂揮翰手夜光乾
沒世稱屈遠枳卑栖價低售縹緲何地著
此翁志憂夜醉長沙酒豈無厚祿故人來
為辨艸堂留野叟嗟余亦是可憐人慚愧

阿戎驚白首一燈續得審齋光多少達人
為齋胃倦予憔悴五峰下頻寄篇來復相
壽年來事事淋過灰尚有詩情閒情竇有
時信筆不自置憶起居家呂窠曰審齋樂
府似花間何必老夫疥篇右集中席上呈
梁次張水調歌頭一闋其互相溢美可謂
無言不讐矣古雲毛晉識

審齋詞終

東浦詞

目錄

水調歌頭

三

念奴嬌

感皇恩

滿江紅

曲江秋

一剪梅

上平西

西江月

臨江仙

番槍子

清平樂

減字木蘭花

行香子

太常引二

賀新郎三

水調歌頭

且坐令

風入松

鷓鴣天二

生查子

卜算子

霜天曉角

東浦詞目錄終

東浦詞

宋 韓 玉

水調歌頭

張魏公
生日

間世真賢出吉兆夢維熊玉麟天上謫見偉薄
貫長虹追念當年籌算封魏封留勲業千古事
攸同語云仁者壽何必喻喬松 嗣天子乘九
五馭飛龍分麾契符闔外憑倚定寰中由是天
才英縱散入樞庭閒暇談笑撫兵戎佇看驕虜

靜金鼎篆元功

又自廣中出過廬陵
贈歌姬段雲卿

有美如花客容飭尚中州玉京杳渺天際與別
幾經秋家在金河堤畔身寄白蘋洲末南北兩
悠悠休苦話萍梗清泪已難收玉壺酒傾漱
灑聽君謳佇雲却月新弄一曲洗君憂同是天
涯淪落何必平生相識相見且遲留明日征帆
發風月爲君愁

又

月裏一枝桂不付等閑人昔年霄漢聞道爭者
盡輸君衣袖天香猶在風度仙清難老冰雪瑩
無塵賦才三十倍論壽八千春夏庭芝周室
鳳舜郊麟豈如今日稱瑞皇國再生申聊借濟
時霖雨來種重湖桃李和氣一番新尚聞虛黃
閣行看秉洪鈞

念奴嬌

吳東清勝是吳山蒼翠吳江澄淥靈秀鍾人文
物盛歷歷皆非凡俗而況君家風流遺世猶寄
山陰曲繼承才業算來真是名族聊憇駐節
重湖惠歌仁詠藹豐年圖錄行看登庸歸去後
誰展高才相續壽日稱觴一杯千歲應見蟠桃
熟祝君難老爲君還更再祝

感皇恩

廣東與
康伯可

遠柳綠含煙土膏才透雲海微茫露晴岫故鄉

何在夢寐草堂溪友舊時遊賞處誰攜手塵
世利名於身何有老去生涯帶樽酒小橋流水
一樹雪香瘦故人今夜月相思否

滿江紅

重九與
張舍人

正欲登臨何處好登臨眺望君約我今朝攜酒
古臺同上風靜秋郊渾似洗碧空淡覆玻璃盃
夕照外渺渺萬遙山開青嶂龍山事空追想
風流會今安在勸君一杯爲君高唱今日謀

東洲言
三
歡真雅勝休辭痛飲
葡萄浪縱黃花明日未凋
零非佳賞

曲江秋

正宮

明軒快目正雨過湘溪
秋來澤國波面鑑開山
光澱拂竹聲搖寒玉鷗鷺戲晚日菱荷動香紅
蕪千古興亡意淒涼颺舟望迷南北
髣髴煙籠霧簇認何處
當年繡轂沉香花萼事
蕭然傷宮殿三十六
忍聽向晚菱歌依稀
猶似新番曲

試與問如今新蒲細柳爲誰搖綠

一剪梅

鏡裏新粧鏡外情
小眉幽恨淺綠低橫
只怨閑縱繡鞍塵不道
天涯縈絆歸程
夢裏蘭閨相見
驚玉香花瘦
春艷盈盈
覺來欵枕轉愁人
門外瀟瀟風雨三更

上西平

甲申歲西
度道中作

折腰勞彈冠望縱飛蓬
笑造化相戲窮通
風帆

浪粲春城寒角曉樓鍾暗惜霜雪鬢
遊來驚對青銅
瀟灑好何時遂門橫水逕穿松有無限
杯月襟風區區箇甚帝堯堂下足夔龍不如早
問溪山高養吾慵

西江月

捍撥聲傳酒綠
薔薇面襯宮黃
嬌波斜入鬢雲
長眉與春山一樣
瀟灑不禁疎瘦
低回猶似
思量桃花梨葉
晚陰涼說與三年夢想

臨江仙

月是銀缸溪是鏡雲霓與作衣裳夜寒獨立竹
籬傍粧成那待粉笑罷自生香 自古佳人多
薄命枉教傲雪凌霜從來林下異閨房何須三
弄笛方斷九迴腸

番槍子

莫把團扇雙鸞隔要看玉溪頭春風客妙處風
骨瀟閑翠羅金鏤瘦宜窄轉面兩眉攢青山色

到此月想精神花似秀質待與不清狂如何
得奈何難駐朝雲易成春夢恨又積送上七香
車春草碧

清平樂

贈基者

梅花照雪渾似人清絕香疊紺螺雙背結曾侍
霓旌絳節 如今却向塵寰碁中寄箇瀟閑縱
便阿郎多病也須偷画春山

減字木蘭花

贈歌者

香檀素手綏理新詞來伴酒音調淒涼便是無
情也斷腸 莫歌楊柳記得渭城朝雨後客路
茫茫幾度東風春草長

竹香子

一剪梅花一見銷魂況溪橋雪裏前村香傳細
藥春透靈根更水清冷雲黯淡月黃昏 幽過
溪蘭清勝山礬對東風獨立無言霜寒塞壘風
淨譙門聽角聲悲笛聲怨恨難論

太常引

荒山連水水連天
憶曾上桂江船
風雨過吳川
又却在瀟湘岸邊
不堪追念浪萍蹤跡虛度
夜如年
風外曉鍾傳
尚獨對殘燈未眠

又

東城歸路水雲間
幾曾放夢魂
閑何日整歸鞍
又人對西風凭欄
溫柔情性繫懷傷
感欲訴
訴應難
愁聚兩眉端
又疊起千山萬山

賀新郎

柳外鶯聲碎晚晴天東風力軟嫩寒初退花底
覓春春已去時見亂紅飛墜又閑傍闌干十二
闌外青山煙縹緲遠連空愁□眉峰對凝望處
兩疊翠鴛鴦結帶靈犀佩綺屏深香羅帳小
寶檠燈背誰謂彩雲和夢斷青翼阻尋後會待
都把相思情綴便做錦書難寫恨奈菱花都見
人憔悴那更有枕痕淚

又

詠水仙水

綽約人如玉試新粧嬌黃半綠漢宮勻注倚傍
小欄閑凝竚翠帶風前似舞記洛浦當年儔侶
羅襪塵生香冉冉料征鴻微步凌波女驚夢斷
楚江曲春工若見應爲主忍教都閑亭籬館
冷風淒雨待把此花都折取和淚連香寄與須
信道離情如許煙水茫茫斜照裏是騷人九辨
招魂處千古恨與誰語

又

睡起簾櫳靜。金鋪春幃半捲。寶香煙冷。門外
落花風不定。糝糝亂紅堆徑。誰喚做春愁如病。
零亂雲鬟慵梳掠。傍菱花羞對孤鸞影。情易感。
恨難醒。沙邊柳外當時景。記分攜離筵乍闕。
去帆初整。盡舉棹歌和淚聽。雲淡水寒煙暝。空
愴望樓高天迥。猶未歸來何處也。日長時不念
人孤冷。書謾寫鴈誰倩。

東前詞

汲古閣

水調歌

上辛幼
安生日

重午日過六靈岳再生申丰神英毅端是天上
謫仙人夙蘊機權才略早歲來歸明聖驚聳漢
庭臣言語妙天下名德冠朝紳 繡衣節移方
面政如神九重隆眷倚注偉業富經綸聞道山
東出相行拜紫泥飛詔歸去秉洪鈞壽嘏自天
錫安用擬莊椿

且坐令

閑院落悞了清明約杏花雨過胭脂綽緊了秋
千索鬪草人歸朱門悄掩梨花寂寞書萬紙
恨憑誰託纔封了又揉却冤家何處貪歡樂引
得我心兒惡怎生全不思量著那人人情薄纔封

丁一本作剛
匆匆封了

風入松

柳陰亭院杏梢長依約巫陽鳳簫已遠秦樓在
水沉烟暖全香臨鏡舞鸞窺沼倚箏飛鴈行

醉邊人去自淒涼
淚眼愁腸斷雲殘雨當年
事到而今好處難忘
兩袖曉風花陌一簾夜雨
蘭堂

鷓鴣天

披拂芝蘭便斷金
頓成南北豈勝任
三年尊酒
半生話千里雲山一寸心
休悵望莫登臨
夢魂何處不相尋
柔腸欲問愁多少
未比湘江烟水深

又

愛日烘晴旬日間謾邀朋輩爲躋攀無窮望眼
無窮恨不盡長江不盡山 星點點月團團倒
流河漢入杯盤飽吟風月三千首寄與吳姬忍
淚看

生查子

裙拖簇石榴髻綰偏荷葉頭上短金釵輕重還
相壓 輕顰月入眉淺笑花生頰夫婿不風流

取次看承別

卜算子

楊柳綠成陰，初過寒食節。
門掩金鋪獨自眠，那更口寒夜。
強起立東風，慄慄梨花謝。
何事王孫不早歸，寂寞秋千月。

霜天曉月

竹籬茅屋一樹扶疎，玉容裏十分清絕。
有人在江南北，佇目詩思促。
翠袖倚脩竹，不是月媒。

風聘誰人與伴幽獨

韓溫甫家于東浦因以名其詞雖與康順
庵辛稼軒諸家酬唱其妍媸相去非亶苧
蘿無益也余去冬日事益甞研田久蕪托
友人較讐諸詞集以行世八年讀之如茲
集開卷水調歌頭為之掩鼻又且坐令其
自度曲也押韻頗峭但寃家何處貪歡樂
引得我心兒惡等語又未免俳笑矣古囊

毛晉識

東浦詞終